

INUIT ATAQATIGIIT

Inatsisartuni



9. Juni 2020

Inatsisartut Suleriaasianni § 37 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

1. Nukissiorfiit Qaanaami erngup aqquutaasa ukiut tamaasa ajornartorsiutaasarnerat ilisimasaqarfigaat?
2. Nukissiorfiit Qaanaami erngup aqquutaasa ajornartorsiutaasarnerat qanoq aaqqiiviginiarlugu pilersaaruteqarpat?
3. Nukissiorfiit Qaanaami erngup aqquutaasa ajornartorsiutaasarnerat pilersaaruteqarfigisimagunikku ajornartorsiutit aaqqinnissaannut pilersaarutitik qaqugu piviusunngortussatut inissisimaffigaat?
 - a. Nukissiorfiit Qaanaami erngup aqquutaasa ajornartorsiutaasarnerat aaqqiiviginiarlugu pilersaaruteqanngippata Naalackersuisut Nukissiorfimmuq ajornartorsiutip tamassuma aaqqiiviginissaannut peqqussummik tunniussissamaarpat?
4. Naalackersuisut sinnerlugit Qaanaamut angalasoqarmat ukiut tamaasa erngup aqquutaanik ajornartorsiuteqartarneq Naalackersuisunut suliasatut iluarsivigisassatut eqqunneqassasoq neriorsuutigineqarpoq. Suliakkiussiniarneq sumut killippa?
5. Nukissiorfiit suliamut tunngasumik allanik apuussassaarpat?
6. Naalackersuisut suliamut tunngasumik allanik apuussassaarpat?

(Inatsisartunut Ilaasortaq Mikivsuk Thomassen, Inuit Ataqatigiit)

Tunngavilersuut:

Ukiuni kingullerni Qaanaami illoqarfiup ilaanut toqqaannartumik imermik Nukissiorfimmuq pilersorneqarneq ukiuni arlalinngulersuni ajornartorsiutaavoq annertoq illoqarfiup iluani inuussutissarsionnermut tunisassiorniarnermullu annertuumik innarliisartoq, soorlu qerisoortoqartillugu taamaattartoq.

Naalackersuisut Qaanaamiimmata toqqaannartumik apeqquqiginikuuvara qanoq tamanna ajornartorsiut uteqqiattoq aaqqiiffigineqassamaarnersoq,

akineqarnikuuvunga tamanna Naalakkersuisooqatigiinnut apuunniarlugu kiisalu Avannaata Kommunanut ilanngullugu angunniarlugu. Naalakkersuisooqatigiit nutarteraluarlutik qinigaaffimmi ataatsimi Naalakkersuisut iliuusaat tamakkiisumik isigisassaammat apeqqutiginninnikkut suliamik killiffissiuvunga.

Apeqqutit ullut suliffiusut qulit qaangiutsinnagit akineqarsimanissaat kissaatigaara.